

Rapport annual dil cau dils juniors

Entschiet ha la sesiun 2019 cun l'organisaziun dils trenaments dils juniors e las junioras.

Trenament

Miez Mars ein ils taluns d'annunzia vegni reparti el consorzi da scola Trun/Sumvitg sco era scret ora el Fegl official. Era eisi vegniu schau ir in mail a tut ils participonts dils davos onns. Nus vein retschiert totalmein 17 annunzias, 8 kids e 9 juniors e junioras. Il diember d'annunzias ei semegliants cun igl onn 2018. Igl onn 2018 vein nus giu 20 annunzias. Sche ins mira che igl onn 2017 ha aunc giu 37 annunzias, sefan ins en che igl interess vid ils cuors da tennis va anavos.

Fin avrel han ils trenaments entschiet.

Als kids ein vegni trenai da Dania Petschen e Natascha Wolf en ina gruppa la mesjamna suentermiezdi. Inper ga ha aunc la Corina Petschen gidau ora. Suenter siat trenaments han ils affons dau la otgavla ga in turnier da finiziun. Els han saviu muossar lur progress e han giu grond plascher dils numerus aspectauturs e dils premis ch'els han retschiert.

Als juniors e las junioras dad 11-18 onns ein vegni trenai dad Nic Dermon. Cun nov annunzias havein nus fatg duas gruppas da trenament mintgamai il mardis sera naven dallas sis tochen las otg. Per terminar la sesiun da tennis havein nus organisau in turnier da finiziun fin settember. La partizapiziun ei denton bu stada aschi gronda sco giavischada, mo 5 juniors/as han priu part ad quei turnier. Als affons han dau tennis e differents giugs. Per mintgin ha ei dau enzatgei da gudignar. Da miezdi ei vegniu grillau e gentau ensemen.

Engraziar less jeu era alla Dania, alla Natascha, alla Corina ed al Nic per lur super lavur e lur grond engaschi a favur da nos juniors. Senza vus fuss tut quei buca stau pusseivel.

Sco finiziun dalla sesiun ein ils trenaders ed il cau da juniors ir a tscheina el Centro entschatta November. Leu eisi vegniu discuriu sur dalla sesiun vergada e sur dalla proxima sesiun da tennis.

Interclub da juniors/as

Igl onn 2019 havein nus saviu annunziar ina gruppа pigl interclub da juniors.

Tier las giuvnas vein giu ina gruppа ella Liga B ella categoria U18.

Quei ein Dania Petschen e la Natascha Wolf. La Paula Maissen ha muort ina blessura bu saviu prender part.

Ellas han gudignau omisduas partidas encunter Walenstadt e Silvaplana. Totalmein han ellas fatg 5 puncts da 6 pusseivels. Aschia han ellas fatg las empremas en lur gruppа. Cordiala gratulaziun.

18&U Girls Liga B - Gruppe 1

Resultate

Runde	Datum			
G1	9 Juni	Walenstadt	Trun	<u>1:2</u>
G2	15 Juni	Sils/Silvaplana	Walenstadt	<u>0:3</u>
G3	8 Juni	Trun	Sils/Silvaplana	<u>3:0</u>

Rangliste

		Pt	Sätze
1	<u>Trun</u>	5	11-3
2	<u>Walenstadt</u>	4	8-6
3	<u>Sils/Silvaplana</u>	0	2-12

Tier ils giuvens havein deplorablamein saviu annunziar neginas equipas.

Cader regional

Igl unviern 2018/2019 ha ei dau negin cader regional, quei ord munconzas dad annunzias. Era igl unviern 2019/2020 ha ei dau negin cader regional, quei ord il medem motiv.

Camp da tennis

Il tennis-camp Surselva ei vegnius menaus atras duront la stad en dus loghens ella regiun Surselva. Igl onn 2019 ei quei stau a Mustér e a Glion. Giugadurs entscheviders ni pli avanzai ord l'entira regiun san separtizipar al camp. Igl onn 2020 dat ei puspei in camp da tennis a Trun. Quel ha liug naven dils 20 – 24.07.2020.

Program per la proxima sesiun

Per la sesiun 2020 ein ils trenaments da juniors/as puspei previ sco tochen dacheu. Entginas gruppas vegnan speronza era a separticipar agl interclub da juniors.

Per la Dania, la Natascha ed il Nic eisi stau la davosa sesiun che ella ha trenau nos juniors e nossas junioras. Ad ellas ed ad el lessel engraziar zun fetg per la lavur prestada ils davos onns en favur da nos juniors e nossas junioras.

Per la sesiun 2020 havein denton gia anflau trenaders e trenadras. Ils kids vegnan trenai danovamein dil Daniel Maissen. Ils juniors e las junioras vegnan trenai danovamein dalla Milena e dalla Tamara Derungs. Gia ordavon in grond engraziament ad els per lur engaschi en favur da nos juniors e nossas junioras.

Tuttina essan nus adina puspei alla tscherca da trenaders, cunzun per ils juniors. Igl ei fetg impurtont d'anflar personas ch'eiin promptas da trenar nos pigns e giuvens ch'eiin il futur dil club. Jeu selegrel da mintgin che s'annunzia tier mei sch'el ha intress da daverntar trenader.

Trun, ils 29 da fevrer 2020

Simon Decurtins